

名醫類案

第九

S28

1781

1P9



名醫類案卷第九

新都篁南江瓘集

後學

仁余 錢塘 魏之珩 王橫 重校
仁沈 鮑廷博 以文

淋閉

壺仙翁治瓜州趙按察病臏脹不能食洩遺血衆醫以為熱

下以大黃之劑神乏氣脫而不能寐召翁診其脈告曰病

得之勞傷心血久則脾胃俱受傷耳所以知按察之病者

切其脈左寸沉右寸過左一倍兩關弦濇尺反盛蓋煩勞

不勝則逆鬱而不通不通則不能升降而作臏脹臏脹則

林男



不食肉沸而不下。則關橐閉。而洩且不輸。故洩遺血。乃和

以八補之劑。兼五鬱之藥。不數日而愈。越三月復作。如前

治立除。此案重見第
四卷腫脹門

陝人高文病淋一日。口噤厥逆。見症奇一日之淋
而口噤厥逆耶他醫以為

風翁曰。誤矣。此熱客膀胱。故難洩耳。投以八正散二服而

洩大行。病且愈。所以知文之病者。診其脈尺沉而大。按之

而堅。知病之在下也。膀胱者。津液之府。氣化則能出。此蓋

由於熱淋。而更接內。故移熱於膀胱。而使洩難也。

東垣治一人病小便不利。目睛突出。腹脹如鼓。非鼓脹因小
便不出而脹

膝以上堅硬。皮膚欲裂。飲食且不下。服甘淡滲泄之藥。皆



不效李曰疾深矣非精思不能處思之半夜曰吾得之矣
內經有云膀胱者津液之府必氣化乃能出焉今服淡
之藥而病益甚者是氣不化也啟元子云無陽則陰無以
生無陰則陽無以化甘淡氣薄皆陽藥獨陽無陰其欲化
得乎明日以滋腎丸羣陰之劑投之再服而愈

方見丹溪

長安王善支病小便不通漸成中滿腹大堅硬如石壅塞之

極腿脚堅脹裂出黃水雙睛凸出晝夜不得眠飲食不下

獨爲

痛苦不可名狀伊戚趙謙甫詣李求治視歸從夜至

旦耿耿不寐究記素問有云無陽則陰無以生無陰則陽

無以化又云膀胱者剝都之官津液藏焉氣化則能出矣



此病小便癃閉。是無陰而陽氣不化也。凡利小便之藥。皆
淡味滲泄爲陽。止是氣藥。陽中之陰。非北方寒水陰中之
陰。所化者也。此乃奉養太過。膏粱積熱。損北方之陰。腎水
不足。膀胱腎之室。久而乾涸。小便不化。火又逆上。而爲嘔
噦。非膈上所生也。獨爲關非格病也。潔古云。熱在下焦。填
塞不便。是關格之法。今病者內關外格之病。悉具。死在旦
夕。但治下焦可愈。隨處以稟北方寒水所化大苦寒之味
者。黃柏。知母。桂。爲引用。丸如桐子大。沸湯下二百丸。少時
來報。服藥須臾。如刀刺前陰。火燒之痛。溺如瀑泉湧出。卧
具皆濕。床下成流。顧盼之間。腫脹消散。李驚喜曰。大哉聖

人之言豈可不遍覽而執一者也。其症小便閉塞而不渴。

時見躁者是也。凡諸病居下焦皆不渴也。非先生不能道此語者。

之病一居上焦在氣分而必渴。一居下焦在血分而不渴。

血中有濕故不渴也。二者之殊至易別耳。治下焦

羅謙甫治劉太保淋疾。問曰：近夏月來，同行人多有淋證，氣

運使然，抑水土耶？羅曰：此間別無所患，獨公所有之，殆非

氣運，水土使然。繼問公近來多食何物？曰：宣使賜木瓜百

餘對，遂多蜜煎之。每客至，以此待食，日三五次。曰：淋由此

也。內經曰：酸多食之，令人癢。凡治小便不利不可用酸奪飲則已。曰：醋

味致淋，其理安在？曰：小便主氣，經云：酸入于胃，其氣滯以



收。上之兩焦弗能出入也。不出則留胃中。胃中和濕則下注膀胱之胞。胞薄以懦。得酸則縮蹙。約而不通。水道不行。故癰而瀉。乃作淋也。果如言而愈。

黃明之六月中小便淋。莖中痛不可忍。相引脇下痛。以川練

子生甘草一錢。元胡索七分。人參五分。茯苓四分。琥珀澤

瀉柴胡當歸稍各三分。作一服。名曰參苓琥珀湯。用長流

水三盞煎至一盞。溫服。空心食前大效。此方可法

中書右丞合刺合孫病小便數而少。日夜約至二十餘行。臍

腹脹滿。腰脚沉重。不得安卧。至元癸未季春羅奉旨治之。

診視脈得沉緩。時時帶數。常記小便不利者有三。不可一



槩而論若津液偏滲於腸胃大便泄瀉而小便澁少一也

宜分利而已若熱搏下焦津液則熱濕而不行二也必滲

泄則愈若脾胃氣澁不能通利水道下輸膀胱而化者三

也可順氣令施化而出也分利滲泄順氣三法治之不可不記今右丞平素

膏粱濕熱內蓄不得施化膀胱竅澁是以起數而見少也

非滲泄分利則不能快利遂處一方名曰茯苓琥珀湯內

經曰甘緩而淡滲熱搏津液內蓄臍腹脹滿當須緩之泄

之必以甘淡為主遂以茯苓為君滑石甘寒滑以利竅猪

苓琥珀之淡以滲泄而利水道故用三味為臣脾惡濕濕

氣內蓄則脾氣不治益脾勝濕必用甘為助故以甘草白



木為佐。鹹入腎。鹹味下泄為陰。澤瀉之鹹以瀉伏水。腎惡

燥。急食辛以潤之。津液不行。以辛散之。桂枝味辛。散濕潤

燥。此為因用。故以二物為使。煎用長流甘爛水。使下

腎氣。大作湯劑。令直達于下而急速也。此方尤妙于五苓散。五苓散加滑石

琥珀君臣佐使用法不同兩服減半旬日良愈

丹溪治一老人。因疝疼二十年。多服蒼朮烏附等藥。疝稍愈。

又患淋十餘年。其間服硝黃諸淋藥不效。忽項右邊發一

大疽。連及缺盆。不能食。淋痛愈甚。叫號困憊。時當六月。脈

短澹。左微似弦。皆前烏附積毒所致。凝積滯血。蓄滿膀胱。

脈澹為敗血。澹為血虛而斷為敗血亦合症而云短為血耗。忍痛傷血。叫號



傷氣知其溺後有如敗膿者詢之果然遂先治淋令多取

土牛膝根莖葉濃煎湯行并四物湯大劑與三日後痛與

敗膿漸減五七日淋止瘡勢亦定蓋四物能生血也但食

少瘡未收斂用四物加參芪白朮熬膏以陳皮半夏砂仁

木香煎取清汁調膏與之遂漸能食一月瘡安先行痲生
新後調元

補胃行氣開痰故曰非
開痰不足以行氣也

一人小便不通醫用利藥益甚脉右寸頗弦滑此積痰在肺

肺為上焦膀胱為下焦上焦閉則下焦塞如滴水之器必

上竅通而後下竅之水出焉以藥六吐之病如失

一婦脾疼後大小便不通此痰隔中焦氣聚下焦二陳加木



通煎服再一服探吐之

沈宗常治黎守溺不下或竄以藥益閉常曰結絡不解痰成癖法當吐果吐而溲如故

孫琳路鈐本殿前司健兒善醫寧宗爲郡王病淋日夜凡三百起國醫罔措有薦之者光宗時在東宮亟召之至孫求二十錢買大蒜淡豉蒸餅三物爛研合和爲丸令以溫水下三十九且曰今日進三服病當退三分之一明日再進如之三日則病除已而果然奏官右列或問其說孫曰小兒何緣有淋只是水道不通利蒜豉皆通利無他巧也滑伯仁治一婦病艱於小溲中滿喘渴一醫投以瞿麥梔苓

諸滑利藥而秘益甚診其脈三部皆弦而濇曰經云膀胱

者州都之官津液藏焉氣化則能出矣所謂水出高源者

也臃中之氣不化則水液不行病因於氣徒行水無益也

法當治上焦乃製朱雀湯朱雀湯 雄雀肉一隻 赤茯苓 人參一兩

一兩 大棗肉一兩 小麥一兩 紫石英一兩 紫菀 五錢 遠志五錢 丹參五錢 甘草三錢 和勻為粗

末每服三錢水煎食遠溫服 河間朱雀丸 茯苓神二兩 沈香五錢 硃砂五錢 參湯下 倍以枳桔

煎用長流水一飲而溲再飲氣平數服病已東垣案渴此案不渴分在

氣在血合前東垣案看之方知其妙

一婦年六十餘病小溲閉若淋狀小腹脹口吻渴診其脈沉

且澁曰此病在下焦血分陰火盛而水不足法當治血

與水同血有形而氣無形有形之疾當以有形法治之即

以東垣滋腎丸服之而愈

兩案一弦而瀆一沈而瀆以渴者屬氣分不渴者屬血分

韓忞治一人淋素不服藥教以專啖粟米粥絕他味旬餘減

月餘痊

虞恒德治一人年七十秋間患小便不通二十餘日百方不

效後得一方取地膚草搗自然汁服之遂通

地膚草单方葉名鍤埽帚

雖至微之物而有迴生起死之功故并載之

吳菱山治一婦患淋瀝數而疼痛身煩燥醫以熱淋治之用

八正散連子飲服之愈劇吳診脈沉數無力

沉數為熱在血無力為虛

在氣總歸虛熱不得用八正散知氣與火轉鬱於小腸故也遂與木通麥



稿節車前子淡竹葉麥冬燈心甘草稍大腹皮之類服之
而安蓋小腸乃多氣少血之經今病脈係氣鬱反用大黃
梔芩味厚苦寒之藥故寒極傷氣病轉加矣殊不知血中
有熱者乃有形之熱爲實熱也氣中有熱乃無形之熱爲
虛熱也同一熱也而分在氣在血血中之熱爲實氣中
之熱爲虛大有至理可悟建中老人治痘之法凡
氣中有熱者當行清涼薄劑無不獲效更分氣血多少之
經須辨溫涼厚薄之味審察病機斯無失也

程少隨苦血淋百藥無效偶閱本草因見白冬瓜治五淋於
是日煮食之至七日而愈

唐與正治吳巡檢病不得前溲卧則微通立則不能涓滴醫

遍用通小腸藥不效。唐因問吳常日服何藥。曰常服黑錫丹。問何人結砂。曰自爲之。唐洒然悟曰。是必結砂時。鉛不死。硫黃飛去。鉛砂入膀胱。則偏重。猶可漉立。則正。寒水道以故不能通。令取金液丹三百粒。分爲十服。煎瞿麥湯下之。膀胱得硫黃積鉛成灰。從水道下。猶累累如細砂。病遂愈。

夷堅志

夫硫黃之化鉛。經方所載。苟不察病源。而以古方從事。未見其可也。

鄞縣尉耿夢得。妻苦砂石淋。十三年。每溺時。器中剝剝有聲。痛楚不堪。一醫命採苦杖根。俗呼爲杜牛膝者。淨洗碎之。

凡一合用水五盞煎耗其四而畱其一去滓以麝乳香末少許研調服之一夕愈本事方

元戎載一人小溲不通一切利小溲藥不效以其服附子太過消盡肺陰氣所不化師用黃連芩解毒而得通

劉子安病腦疽服內托散後泄不止小便大不通亦消肺陰之過諸藥不效郭子明輩用木通五苓導之愈秘劉用陳皮茯苓生甘草之類肺氣下行遂通若止用利小便藥其不知本甚矣。醫壘元戎

王仲陽治一士人弱冠未婚病遺瀝日久每作虛寒脫泄治之益甚王診得六脈弦數難記至數形骨立不能支王曰



此三焦不利。膀胱蓄熱。爲五淋也。患者曰膏血砂垢。每溺則其痛不可言。乃用局方五淋散。加山梔子。赤芍藥。用水通瞿麥。穗蚵蚶。衣草滑石末。作大劑。入燈心二十莖煎服。五七日全愈。無奈頻發。旣而九日便溲俱不通。秘悶欲死。王卽令用細灰於患人連臍帶丹田作一泥塘。徑如碗大。下令用一指厚灰四圍高起。以新汲水調朴硝一兩餘。令化漸傾入灰塘中。勿令漫溢。須與大小便迸然而出。溺中血條皆如指大。若非熱解氣使。則其如龜竅之小。何由連出三四日惡物復得回生。再令服黃連解毒丸。前後二三載不下三四斤矣。至今安然不發。